

見其人絕貌鳴釜叫之災杜狗媚狐趨之怪
稽首歸依虔誠讚詠

皓靈大聖白帝尊神受符上命掌握群靈
職司凡世上侍九清位分允舍化育舍生
改惡為善赦罪留恩吹飄萬禍善降玄風

焚香然燈供養

本音東廚司命竈君北方壬癸黑帝竈君竈
家一切禁忌神衆

伏聞民以食為天無竈何從而烹任竈乃天
之吏專司禍福以紀功是仗玄科教伸安奉

以今離官某人恐家人之踏踏積大過之多
多片善勿為一言難盡既自迴光返照必能
轉禍為祥伏願驅掃不祥俾常臻於吉慶遣

除兇怪庶茂衍於椿期稽首歸依虔誠讚詠
壬癸之位玄老尊神天靈大聖地靈將軍

俱侍左右聽令而行身長千丈手託乾坤
江海為宅制禦火精聞吾神呪永保清寧

焚香然燈供養

本音東廚司命竈君中宮戊己黃帝竈君竈
家一切禁忌神衆

伏聞職在人間謂親民而最切告膺天上奉
帝命之榮除曰司命而命掌非輕稱府君而

君銜實重職司廚內掌握居中以今離官某
人居履職之間沐照臨之下不知不識何慮
何辭醉酣裸體以輕狂語話牽神而引呪腥

臊熏觸穢手進薪習為朝夕之常陰有神明
之錄功無毫髮過若丘山伏願百神擁護萬
善資扶降真炁於五方蕩除妖厭扇祥風於

比屋化作恩波稽首歸依虔誠讚詠
皇靈黃老戊己帝王居其中位總領八方

提攝萬象罔越紀綱賞善罰惡賜福非常
若有妖孽入地消亡保安家舍永珍災殃

誦經 宣疏 回向

東廚司命燈儀終



二燈儀同卷
正一炁司辟毒神燈儀
離明瑞象燈儀

五五

正一炁司辟毒神燈儀

法事如式

伏以混沌既分氣形乃判女媧斷縈而立極
伊折層象以授時分三才而成三播五行而
為五由是氣分七十二候歲定三百六旬成

變化以行鬼神妙陰陽而運寒暑天垂象則
吉凶可見人稟性而禍福自來故慶源乃肇

於積善之家而殃咎必幾於作惡之者幸有
禱祈之路抑開方便之門以今信士某園形

覆燾之間託跡憐憫之下正心誠意專天敬
神啓建玄壇修崇清醮香煙縹緲露空洞之

雲霞燈焰燦煌燦燦青霄之星斗瑤臺月冷而
仙裾縹緲碧漢風清而雲馭翔翔察茲懇懇

之齋蓋願賜迂迓而降監伏願明德誕敷洪
恩下沛增注方來之慶獨消已往之非萬福

攸同羣魔滅試無災無害且逸且安金書標不朽之名青簡注延生之法更祈加護是聲恪恭稽首歸依無極大道

臣眾等志心歸命東方行瘟張使者

伏以太虛之上諸天之尊自然九色之光華

不假三晨之照燭上至日月星宿下及海岳

山川或傾事帝之心盡屬為臣之禮宮室戶

牖殿閣樓臺或珍寶以營成或雲霞而結就

虛無縹緲是為恍惚之庭森羅淨潔別有通

明之殿每於齋日普集群靈風生而紫宇成

音煙起而清風結象百千萬之仙眾三十二

之帝君莫不大會玉京上朝金闕以令信士

恭銀缸燦爛檀炷氤氳惟願降臨謹當讚詠

布列銀缸化成寶蓋燦爛光華流星俯屆

九霄儀仗徘徊下邁五色祥雲氤氳沆瀣

勅下三官消除災害疫疾瘟癘皆蒙痊瘥

殞司部從驅邪除怪降福消災虔恭匪懈

臣眾等志心歸命南方行瘟田使者

伏以惟皇上帝陰隲下民故教溫部之神明

以分天道之禍福積善者有餘慶則可保於

安寧積惡者有餘殃則難逃於謹貴王瘟聖

者威重權高都天元帥勢大職尊昔武王治

世之日乃匡阜得道之時御氣乘風孰可攀

於仙駕幽岩邃谷今猶見於靈蹤專號和瘟

靜明救賜雖大道之瘟疫惟人所召然神明

之糾察惟德是依以今信士某是以香裊輕

雲燈排列宿惟願降臨謹當讚詠

仰啓五瘟尊神聖帝願回聰直廣垂濟惠

元帥都天留恩一切左右威靈無諸疑滯

匡阜先生和瘟却癘收瘟攝毒福及後裔

駐想雲輿來臨壇治保佑一家永依神庇

臣眾等志心歸命西方行瘟趙使者

伏以洪爐造物覆靈所以無私疎網臨人善

惡因而有報恐懼修省之戒嚴恭齋奉之文

義易所傳周書備載吉凶在我禍福無門降

年不永者惟民宿辜不善餘殃者非天作孽

若能悔過百祥自此而臻苟不悛心六極自

然而至故有瘟部以奉天符一紀之中今年

王而行賞罰五方之內假將軍以秉威權力

梵魔王輔聖每彰於猛烈張康太保隨神常

顯於靈通願藏雷電之威乞賜禧祥之祉以

今信士某是以燈開函首香噴發祝惟願降

臨謹當讚詠

力魔覓王曲垂大造太保張康尊安廟貌

十二年王尊帝所告五方使者除兇去暴

正直聰明褒忠佑孝廣變清涼恩歸覆載

臣眾等志心歸命北方行瘟史使者

伏以皇天無親大道不器其功可以妙萬物

其明可以照四方延福延生俱有修禳之法

若男若女咸蒙覆燾之恩惟命殞司下臨凡

世行病則有鬼王之猛烈發汗則有使者之

神通以禍福化人以災祥降世常善救物豈

非惡害之心無量度人乃有好生之德以致

陰陽消息寒暑往來十二律之無私四六氣

之有維瘟分三十六種候列七十二神心明

善則災消意造非而禍至倘伸齋奉必賜康

和以今信士某是以香飄覆郁燈布燐煌惟

願降臨謹當讚詠

三十六旬主張氣候二十四神門差刻漏

七十二神時行所受十二律呂黃鐘太簇

皂轟鋒刀長牙巨獸天之命今生靈是祐
慈造回顛神威息咎保佑一家康寧富壽

臣衆等志心歸命中央行瘟鍾使者

伏以先聖所制亘古流傳必須顯跡於神通
然後隨方而祭祀據壇祠而遵天命居境域

以顯威靈旨酒佳釀列杯拜而豐潔朱甍碧
瓦設堂殿以深嚴或道教之真仙或釋門之

大士或往古之英烈或上世之賢良或畫繪
以作容儀或挺土而成相貌享一方之供獻

納千里之瞻依以今信士某是以絳蠟搖紅
紫檀凝霧人皆欽仰士庶歸依法衆虔誠謹

當讚詠
郡邑靈神人之主宰社令城隍血食千載
祠廟靈祇名彰英彩亘古名賢周遊四海

一方祭祀豈容有改願回洞鑒來臨莫愷
保佑一家永無驚駭

諷經 宣疏 化財 回向

正一強司辟毒神壇儀錄

離明瑞象燈儀

法事

恭聞大道昭昭不言善應小心翼翼有禱必
通臣等謹炷真香虔誠上啓

南方大聖三炁火德英威執法真君丹天赤

皇上道真君南宮執法延壽司錄君火祖燧
人帝君火正商丘宣明王火正闕伯大神大

火析木神君祝融炎帝輔爻具官回祿神君
左六位仙官右六位仙官離明宮內主火靈

妃流金火鈴宋將軍五方火殃使者火驟火
馬火弓火箭神君大部合屬威靈恭望

聖慈俯垂洞格普仗真香悉同供奉暮入君
伏以坎北流行大巧無私於挺植生育長養

有形盡屬於明離根莖允賴於蕃滋品彙悉
沾於亭毒聖人乘風而取象君子申命以治

民居常則立不易方在益則過而思改敢據
素悃上瀆皇鈞輒依法以然燈儼在天而炳

耀今辰建醮祈安信士某等比觀焚如之警
版依主罰之司延星侶於瑤壇仰靈存於碧
落恭對英芒之下特陳蟻蟻之私冀格精衷

均膺洪範法衆運誠讚揚聖號

奉南丹紀壽天尊

臣等志心皈命南方至真大聖英威執法
星君離宮神仙東和諸靈官

臣聞妙道儲精鍾南丹之正炁離明育物總
炎帝之威靈仰惟

南方火德英威執法真君德合正陽位尊眾
曜管寰宇昊陰隲生靈密持造化之權默運

至公之化周流示象現伏有時凡屬照臨敢
忘欽向今辰建醮然燈信士某等生居

帝土命係星躔行藏恐慢於天常動止有乖
於日用每懷修省實切畏兢憑羽士以傳誠

冀神光而容與移宮退舍既聞前古之言宥
過消愆俯繼今時之禱群黎百姓蒙陰佑而

弭惡消災萬戶千門沐照臨而覃恩錫慶專
早長幼安靖和平稽首皈依虔誠讚詠

奉南方火德星君

明離毓德火宿儲靈神威震景品彙咸榮
百毒火電誠灼邪精束縛九醜摧滅魔群
奉行威令備守天經群生傾仰永保安寧